



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : TAK SUN SCHOOL

学校名称 : 德信学校

Name of Play 剧名 : 人生成绩单

Script writer 剧作者 : 周昭伦 (校外导师)

Synopsis 故事大纲:

在奇幻国度裏，人民到了某天便会收到人生成绩单，上面写着最合适自己的职业。只要我们能听从指引，便能乐知天命地开心过活。然而，主人翁森仔收到的成绩单竟是一片空白，他顿时感到前路一片茫然。然后，他遇上古怪的无脸人、克己复礼的古人和放荡不羁的年轻人。究竟森仔可从他们身上得到甚么启示？他又可否寻得真正属于自己的人生目标呢？究竟我们的人生应该按照被安排好的「命运」发展，还是自己闯出一片天会更幸福？天生我才必有用吗？人生目标应以自己的福祉，还是「三不朽」的价值观岂有依归？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

说书人： 演出剧目：「人生成绩单」。第一场。

喺一个风和日丽慨早上，每个学生都怀着不同慨心情返到学校。有人兴奋期待，见到对方会互相打招呼，寒暄一番。不过，亦有人感到忐忑不安，心情七上八落，就好似我哋慨主角森仔。(停顿)林伯系呢间学校慨校工，心哋好好，佢留意到森仔唔开心，就上前同佢打招呼。

林伯： 森仔

森仔： …林伯

林伯： 唔同朋友仔倾计？佢哋吓你呀？

森仔： 唔系呀…

林伯： (在袋中取出糖果) 送比你食。(森仔接过糖果) 你哋终于都嚟到呢一日。(森仔点头) 唔使咁紧张慨。人人都会收到「人生成绩单」。

森仔： 我唔明点解会有「人生成绩单」？

林伯： 哈哈，「人生成绩单」可以话你知，你有咩专长，有咩弱点，同埋你将来应该做啲咩。咁你就唔使浪费时间。

森仔： (一顿) 林伯，咁你以前慨成绩系点架？

林伯： 我！？你估吓？做校工啲~~~

森仔： 咁---

林伯： 点呀？估唔到？

森仔： (拧头)咁你开唔开心？

林伯： 开心，我好满意自己慨工作，做个尽忠职守慨校工。

森仔： 系呀，个个都话你好好人架。

林伯： 咁你呢？你估你将来会做咩呀？

森仔： ……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

- 说书人： 咦，睇吓另一边，有位同学着上医生袍，仲有人向佢欢呼。不过，唔知点解，佢反而闷闷不乐，佢就系昭仔。
- 昭仔： (闷闷不乐) 睇吓我呢件医生袍，爹哋今朝早送比我架。
- 同学一： 哗，好犀利呀。昭仔，你成绩咁好，你将来实做医生喇！
- 同学二： 做医生好伟大架，可以救好多人！
- 同学三： 又可以发明疫苗对付啲新病毒。
- 昭仔： 今日，收到成绩单之后，我就会…做医生。
- 说书人： 喺度用间尺当剑慨同学就叫做速龙，佢系运动精英，佢慨剑术真系非常高明，其他同学都好崇拜佢！
- 速龙： (刺剑) 嘿！嘿！嘿！
- 同学们： (照着做) 嘿！嘿！嘿！
- 速龙： 今日之后，我就会成为一个剑击运动员！
- 同学四： 梗系喇，从来都无人试过体育科可以次次都攞 A 架。
- 同学五： 你第一次参加联校剑击比赛就赢小学组总冠军。
- 同学六： 将来实会拎奥运金牌！
- 同学们： 金牌！金牌！金牌！
- 速龙： 虽然嗰妈咪一直想我做工程师，反对我做运动员，但系只要今日收到「人生成绩单」，上面写住：「运动员」之后，咁佢哋就无得再反对喇！
- 众同学： 好嘢！
- 说书人： 仲有呢位曲奇仔，听佢个名，就知佢好可爱。佢仲好钟意讲笑话添。
- 曲奇仔： 森仔，讲个笑话你听吓。从前~~~
- 林伯： 曲奇仔，你咁钟意讲笑话，有无谗过今日慨成绩表会派你将来做咩职业呀？
- 曲奇仔： 我无谗过喎~~~做咩我都无所谓。
- 林伯： 我话你最啱慨就系做演员，喜剧演员，好似周星星咁。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

曲奇仔： 周星星！？都好喎。(欢天喜地走开，找其他同学说笑话) 喂，我讲过笑话你哋听吓~~~

林伯： 森仔，你真系无谗过你将来会做啲乜？

森仔： 唉~~~我...我都唔自己有咩目标~~~~

林伯： 噢...从好啲方面谗，可能咁仲好，人生成绩单上面派你去做科学家，你咪去做科学家；派你去做工程师，你咪去做工程师；派你去做消防员，你咪去做消防员嘢，咁可能仲好呢!?

森仔： 我---

(传来学校钟声)

林伯： 好喇，够钟派人生成绩单喇。

(众人神情立即认真起来)

校长： 各位同学早晨，恭喜大家，终于嚟到呢一日。稍后，你哋每人就会收到一张人生成绩单，咁你哋就可以知道日后慨人生路向。(众人难掩兴奋的心情，森仔除外) 林伯，麻烦你为大家派成绩单。

说书人： 林伯于是就为大家派发成绩单。每位同学收到后，都好心急即刻打开嚟睇。每人起初的反应都唔一样，但最后都会接受结果。最后操场上，只剩低四位同学：昭仔、速龙、曲奇仔和森仔。佢哋慢慢逐一打开成绩单。

昭仔： (揭开成绩单查看，一顿) Yes!

森仔： 恭喜你，可以做医生!

昭仔： 唔系呀，「画家」，成绩单上面写住：「画家」! 其实我最想做一个画家。

森仔： 你唔系想做医生咩？

昭仔： 人人都觉得我成绩好就一定做医生，无人睇得出我慨艺术天份，连我嗲妈咪都睇唔出。呢张成绩单终于可以证明，我最应该做慨就系画家。

(昭仔拿着成绩单，欢天喜地离开)

森仔： 速龙，你呢？

速龙： (高举成绩单) 仲使讲，我要做一个金牌剑击运动员。(离开)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

曲奇仔： (看着自己的成绩单) 老师！？

森仔： 唔系喜剧演员？

曲奇仔： 都好，我将来做咗老师，要令课室充满笑声！(离开)

说书人： 最后只剩低森仔，佢唔够胆打开「人生成绩单」。

校长： 森仔，点解你仲唔打开你嘅成绩单？

森仔： 校长...我，有啲紧张...

林伯： 唔使担心，只要打开，就知道你将来嘅目标。

校长： 森仔，如果你再唔打开，你就会被取消资格，被呢个社会淘汰！

林伯： 森仔(伦焯轩)，快啲打开佢喇...

森仔： 咁...

校长： (满有威严)如果...你唔遵守社会上嘅规则，无人可以帮到你架喇。

林伯： (向校长) 唔系，森仔好听话...(向森仔) 快啲打开佢喇...

说书人： 森仔好唔情愿咁终于打开成绩单。咦！？气氛突然变时好凝重。

林伯： 你成绩单上面...写住咩呀？

森仔： 空白！？

(混乱音乐入)